



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

IV. Quibus de rebus interrogata fuerit, & quid ad singula responderit.

urn:nbn:de:hbz:466:1-10880

alio deducendū negotium datum esse. Inde ergo xx Septembris digressa, quum Bortoniū perver- nisset; rursus à Nobili quodam ab Elisabetha misso; qui secretum cum ea petierat colloquiam, de eo ipso quo antea à Paulero monetur, quod nimirum contra reginam secreta consilia injisser. Sed illa multis ad ductis argumentis innocentiam suam non minus quam adversatorum malitiam manife ste demonstravit.

III. [a] Octobris Calendis Pauletus Mariam reginam certiorem facit; Elisabetham de iis quae ipsa ad objectā respondisset edocet, vehementer admirari quod nihil eorum, de quorum tamē veritate satis superque constaret, fareretur. Quare ē Consiliariis suis mittere aliquot dēcrevisse, qui ipsam interrogent. Tum Maria non modo nullum timorem, sed lātitia potius vultu testata, quidquid futurum sit, a qui bonique facturam se respondit. Post XI. Octobris Judices ab Elisabetha delegati Fodrinhgam (id arcī nomen est, ubi captiva as servabatur) venerunt: quorum nomina statim Maria reginæ sunt edita. Erant vero Thomas Brom leius regni Cancellarius, Gulielmus Bichorius regni thesaurarius, Eduardus Comes Oxoniensis magnus Cubicularius, Georgius Comes Sarisburiensis regni Marescallus & supremus Justitiarius, Henricus Comes Derbyensis, Gulielmus Comes Vigorniensis, Eduardus Comes Rutlandia, Georgius Cumbria Comes, Ambrosius Comes Varvicensis, Henricus Comes Lincolnensis, Antonius Montis acuti Vice-comes, Eduardus Savagius, Eduardus Morlæus, Eduardus Staffordius, Arturus Greius Viltoniensis, & alii, numero triginta quatuor. Hi quum in sacello arcis ad audiendam concessionem convenienter, interea ad Mariam litteras ab Elisabetha sine ulla honoris aut amicitia præfatione scriptas mittunt, quibus significabat: Quandōquidem ea quae certo sibi comperta essent, negate persisteret, tum etiam ullius iudicis submittente recusaret; Proceres quosdam, Consiliarios & Jurisconsultos ab se delegatos qui in omnia diligenter inquirent, & secundum leges pronuncia reant. Quidam ergo in regno ipsiusjam sit, legibus quoque ejusdem subjectam esse. Ad hanc Mariam pro solita animi magnitudine respondit, Nullam agnoscere se Elisabethæ aut ejusquam alterius imperiū. Scriptas illas litteras esse tamquam ad subdi ciam: se vero non minus quam Elisabetham reginæ esse, & regis filiam & Elisabethæ proxima cognatione junctam. In Angliam venisse Elisabethæ pro-

missis illectam, as præterius omne custodia inclusam. Multa in se crimina ab adversariis conficta esse, illud in primis quod contra viram reginæ aliquid machinata fuerit; quod falsum esse siquid demonstratura.

IV. [b] Hæc agebantur in spacio quodam cœnaculo, quod nō procul à regina conelati distabat. Ad parietem Judices delegati sedebant; in medio vero mensæ quædam collocata erant; sic denique locus inclusus, ut præter Commissarios nemo intrare posset. Quum delegati ingressi essent regina quoque intravit, velut capite ferens, & talarem tunicalindutam, cuius oblongum syrma pedis equa ferrebat. In sella holosericō strata collocatam pro regali Satellitio, puella quædam è gynæco, aula præfectus, medicus, & alia ministeria circumsta bant. Ibi Cancellarius longam exorsus orationem caussam ejus conventus exposuit, ut nimirum eorum quorū Maria rea diceretur, & in primis quod contra Elisabethæ reginæ vitam & statum aliquid molita esset, veritas inquireretur. Id dum fieret, reginæ quæcunq; posset ad sui defensionem conquiri ac proferendi facultatem concedi. Deinde ad reginam conversus, rogat eam ut commissionis & mandatorum sibi datorum tenorem cognoscere velit. Tum illa multis itidem exposuit, quomodo in Angliam olim venerit, ut promissis sibi à regina auxiliis in recuperando regno uteretur: Sed non modo spe & promissis esse frustaram, verum etiam contra omne jus jam totos septemdecim annos in custodia aservari. Liberam se nihilominus & supremi juris esse Principem; nec delegatos illos aut quemcumque alium pro iudicibus agnoscere. Et lieet coram illis comparuerit, nō tamen hoc vel ad suum vel ad filii aut regni sui præjudicium pertinere debere: quia id eo tantum fecerit, ut toti Mondo innocentiam suam testatam faceret. Ibi Cancellarius illum Mariæ ab Elisabetha promissū esse auxilium negavit; addens, protestationem illum frustra interponi, nec quidquam supremo Elisabethæ juri & Majestati derogare. Quum enim talis in Anglia criminis se ream fecerit, merito etiam legibus ejusdem esse subjectam. Inde ju bente Cancellario Mandati formula lecta est: quam quum Maria pro legitima se non agnoscere dixisset, Procurator Fiscalis illius aequitatem & ius reginæ Elisabethæ multis demonstrare conatus est. Inde ad ipsum crimen ventum: cuius probationes

Aa 3 quatuor

[a] Maria à delegatis interrogatur. [b] Quibus de rebus Maria accusata fuerit, & quid responderit.

quum ex Babingtoni, Georgii, & sex aliorum confessionibus peterentur, regina vero Babingtonum ignotum sibi esse, nec umquam cum eo, ut etiam sex illis aliis, quidquam vel ore vel scripto communicasse, respondisset, alter Fiscalis Procurator (dui hi seorsim mensa assidebant) litteras a Babingtono paullo ante mortem scriptas protulit. Haec ante meridiem acta. A meridie rursus complures epistola, tum Navii & Curlei reginae domesticorum depositiones perlectæ: ad quæ singula regina sufficieret respondit, quamvis tumultarie ac sine certe ordine & interrogandi ac respondendi modo omnia agerentur. Quum inter cetera Thesaurarius ei objecisset, quod in Gallia jam olim Anglicani regni insignia & titulum usurpasset, illa, Non sum nescia, inquit, hunc maxime esse aculeum qui Elisabethæ sororis meæ animum pungat. Atqui ne ipsa quidem ignorat, id non meo, sed Henrici II. Galliæ regis, socii mei consilio factum esse. Replicant Thesaurario, cur non post factam pacem ipsa insignibus illis abstinerit, respondit: Nulla conditione obligatam fuisse, ut iure suo tam facile cederet aut renunciaret. Elisabethæ tamquam natu majori, lubenter se cessisse & adhuc cedere; modo illud quoque ipsi faterentur, se proximam esse hæredem, Iacobi V. quippe filiam, & Henrici VII. neptim. Notos sibi esse inimicorum conatus, qui non hoc jus tantum sed & vitam ipsi eripere uincere studebent. Specare se nihilominus, Deum à quo haec tenus clementer servata sit, patientiam ad perferendum quidquid tandem futurum sit, sibi concessurum: atque eundem rogare, ut de ipsa quod visum fuerit statuat, ad nominis sui gloriam & Catholicæ fidei, pro qua libenter sanguinem profusura esset, propagationem. Minas omnes & terrores facile se contempnere, omniaque pati decrevisse; utpote certam, quæcumque Dei ac religionis causa relinquerentur, cum favore rursus adjici, aut multo melioribus bonis compensari; eos vero qui Deum hic negarent, in altera illa vita rursus à Deo negari, atque adeo æternis suppliciis addici.

(a) V. Tam Babingtoni inde quam aliorum litteræ ac scripta sœpe lecta ac relecta sunt; ac tandem Balardi cuiusdam confessio, unius ex iis qui Elisabethæ mortem machinati dicebantur. Rogata an Balardum nosset, ab amicis ex Gallia monitam se respondit, venturum in Angliam propediem e nomine hominem, Catholicæ religionis perstudiosum, qui quæcumque posset ei

officia prestare cuperet. Interea vero aliunde ad se delatum, eundem Valsingamo esse valde familiarem: Valsingamum vero infestum sibi admodum esse, ac tam ipsam quam filium sublatos cupere. Haec de Balardo scire, quem nūquam viderit vel audiverit, nec quidquam cum eo communicari. Ibi Valsingamus consurgens, nihil tale sibi umquam in mentem venisse protestatus est, nec quidquam à se factum aut dictum quam quod à bono & fideli erga reginam subditio requiretur. Amplius deinde rogata, ecquid de quatuor illis e quibus sciret, qui ut Elisabethæ occise nuncium ad ipsam perferrent, destinati essent: Nihil omnino sibi notum esse respondit. Prolatae inde literæ characteribus consignatae: quarum nonnullas ipsa agnovit, nihil tamen quod nocere ipsi possent, contientes Morganum quidem iis fortasse ad alia usum: corum tamen quæ vel ipse vel Parrus contra reginæ vitam machinati dicantur ne in minimo quidem conscientiam esse. Navium Galliarum regis esse subditum: nec se iis Principum Christianorum ad reddendam de eorum qui libertatem ipsius querant aut optent actionibus rationem teneri. Ad pensionarios quod attinet, habere Anglia reginam tales in ipsa quoque urbe Roma, & quidem diversæ religionis. Sed longum esset omnia, quæ illa non sine Iudicium admiratione ad sui defensionem disputabat, recensere. Tandem ad Thesaurarium & utrumque Fiscalem conversa, Profecto, subridens inquit, satis duriter à vobis hac quidem vice tractata sum, quæ tamen vestras veritatis minime intelligo. Sed id Deus vobis condonet. Hic finis fuit hujus actionis: è qua, ut & totius processus forma Mariæ reginæ facile conjiceret licebat, caput suum peti, sequejam ante ab iisdem judicibus Londini prædamnata: hanc vero actionem eo fine tantum institutam, ut injustæ sententiæ exequutioni color aliquis justitiæ quereretur. In sermonibus quoque cum Pauleto habitis palam ostendebat, nullam aliam ob causam quam ob Catholicæ religionis professionem tantis odii se exagitari; id que agi ab adversariis, ut quamvis omni criminis libera, in perduellionis damnatorum numerum referatur. Quare multo ardentius precibus ad Deum fundendis incumbebat: interim vero in omnibus sexu majorem animi constantiam pra se ferebat.

VI. Quam-
(a) Maria ad Balardi depositionem responsio.